

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدور .
ممالك اجنبیه ده سنه لکی (۱۷) ، التي
آیلغی (۹) فرانقدر .

اداره خانه

باب عالی جاده سنده ورخان بک خاندنه
نومرو ۲۳-۲۶

اخطارات

آبونه بدلی پیشندور .

§

مسالکه موافق آثار مع الممنونیه قبول
اولنور . درج ایدیلمه یازیلر
اعاده اولوغاز .

سراسر

۱۳۳۰

اخطارات

رساله مزدن آلدیغی کوسترلک شرطیله
یتون یازیلر هر هانکی برغزته طرفندن
اقتباس اولونه یییر .

§

مکتوبلرک ، امضالرک واضح و
اوقوناقلی اولمسی و آبونه صره
نومروسی محتوی بولونمسی لازمدور .

§

ممالك اجنبیه ایچون آبونه اولانلرک
آدرسارینک فراسیزده یازلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

والله یهدی من یشاء الی صراط مستقیم

دینی ، علمی ، ادبی ، سیاسی هفته لقی مجموعه اسلامیه در

اتبعون اهدکم سبیل الرشاد

صاحب و مدیر مسئول : ع . اشرف ارباب

جلد ۲ - ۹

۳۱ کانون ثانی ۱۳۲۸

پنجشنبه

۷ ربیع الاول ۱۳۳۱

عدد ۴۹ - ۲۳۱

مدیر . روایتی نظر آنکه بومبایه مواصاتی اثناستند بومبایه قولاً خسته‌نی کمال فعالیت‌ها حکمفرما اولدیغدن ، مذکور خسته‌لک رفع وازالہ سنہ مدار اولق اوزره قادری الطریقت اولان ذاتک آرابه ایله کزدیرلمسیله تدومندن تبرک اولمنسه بومبای مسلمانلری صوک درجه اهتمام ایشلردی . حاصلی ، بونفوذمزدن کرکی الیوم استفادہ ایدہ میورز ، نه یولده استفادہ ایدہ جکمزده بردرلو بیله میورز . بونی لایق‌له بیلسهک دائمی انکلیزلرک معاونتی تأمینہ موفق اولورز .

عثمانی مجاهد و شہداسی ایچون هندستانده فاتح‌لر اوقونقده وروح‌لرینه نثار واهدا اولمقده اولدینغی مخاطب‌لرم علاوہ ایلدیلر . حاصلی بزم لہمزدہ هندستانده هر درلو حسیات اسلامیہ واردر . بزی بزم کبی سویورلر . اسلامیتک ترقی و تعالیسندن امیدوار اوللم ، مایوس اولیہلم . عقلمزی هر نه زمان دوشیرسهک ینہ استقبال بزم اوله جقدر . فقط مملکتیزک اصلاحات مادیہ و معنویہ سندن غافل اولیہلم .
مخابر مخصوصکر

کربلا : س . م . توفیق

نفوذینہ مجلوب ایسهده دیگر بر قسمی انکلیز طرفداریدرلر . مسلمانلق و عربلق نامنه حرکت ایدن سوریه لی بعض مسلمان پولتیقه جیلر ایسه انکلیزلره زیاده جه میل کوستریورلر . معلومدرکه انکلیز رجال سیاسیہ سی مقدملری شرق خرسیتانلرینی وقایه نامی آلتندہ دولت علیہ بی «اصلاحات» طلیس‌له تضییق ایدرلردی . فقط بر زماندن بری بشقه بر سیاست شرقیہ تعقیب ایلدیلر . شوبله که آرانوودلره چند سنہ مقدم کوسترمکه باشلا . دقلری معهود توجه کبی سوریه و سائر یرلر مسلمانلرینه دخی کوسترمک ایسته‌دکاری لانشیہ توجہات اوسیاست نتایجندندر . یعنی عالم اسلامه و علی الخصوص هند مسلمانلرینه کویا مسلمانلق حقندہ سوء ظنلری بولمغینغی و حقیقتده ترک‌لرک مسلم و غیر مسلم کافه عناصره شامل اولان «مظالم و سوء اداره‌لرینه» معارض اولدقلرینی ایناندر مق سیاستی التزام ایلدیلر .

اگر حقیقی عرب‌لر ایله ترک‌لر بر آن اول ال برلکی ایله بوافساداتی حکمدن دوشورمکه جدی و متمادی بر غیرت کوسترمزلر ایسه امت محمد آسیای عثمانیہ دخی بیوک فلاکتلره اوغرار .

سوریه‌ده عدم مرکزیت برده‌سی آلتندہ براداره وضعی ترویج ایدنلرک دولت عثمانیہ نفوذینی حجاز و یمندن قطع ایله اوغریشان بردولته آلت اولدقلری آکلاشیلدی . فقط آکلاشیلہ میان برشی وارسه اوده خدیو حضرتلرینک سراینه مروج افکار اولدینغی معلوم بولان المؤید غزته‌سنک ترک‌لره و حکومت جدیدہ عثمانیہ قارشى آلدینغی وضعیت بدخواهانه و غرضکارانه در . المؤیدی اداره ایدنلر عزیز دیرلر . فقط طمارلرنده بردامله بیله خالص عرب قانی یوقدر . مسلماتر دیرلر ، لکن دولت عثمانیہ نک شو دور مشکلاتندہ کوستردکاری آثار نفاق و شقاقی استقلال اسلامک اک بیوک دشمنلری انجق کوستره بیلورلر . اگر خدیو حضرتلری کرک بوراده کی مفسد مرانیلرک اغوالرینه و کرک مسلمان ملتلی بای تحکم آلتندہ بولندیرمقله مشغول اولان بر خرسیتان دولک تشویقاتنه اینانوبده حقیقتاً اکتساب استقلالیت و خلافتک امکانه ذاهب اولیورلر ایسه یوز بیک کره یازقلر اولسون . چونکه اوکی تصوراتدن بر نتیجه چیقه بیلورسه اوده علی العموم مسلمانلرک وبالخاصه ذات فحاشیات خدیوانه‌لرینک متضرر و مایوس اوله جغیدر . خالص مصرلی مسلمانلرک دولت عثمانیہ حقندہ کی محبتلرینه رغماً درت بش آیدن بری مضر بر طاقم ارباب دسائسک دولت عثمانیہ و خلافت اسلامیہ علینده کی نشریات و اجرا آتہ بر مرکز اتحاد ایدلشددر . حکومت جدیدہ عثمانیہ نک بو حاله نظر دقتی جلب اولنور .

شیون

اسلامک بو کونگی حال و موقعی . — مسلمانلر انقراض یوللرینی طوتدیلر : هر شیئی بر افرق بریرینه دوشدیلر ، سحاب نفاق بتون آفاق مملکتی صاردی ، محیط خلافت ازیچی ، بوغوجی بر ظلمت ایچنده قالدی ،

بعض حقایق . ۴۴۴

استانبولده بولنان مصرلی برذاته قاهره‌ده کی دوستلردن بریسی طرفندن یازیلان عربجه بر مکتوبدن بیانات آتیه اخذ و ترجمه ایدیلرک بورایه درج اولندی :
« بوراده حمیت اسلامیہ صاحبی اولنلر سوریه و عربستان اصلاحاتی نامی آلتندہ استانبول غزته‌لرینک برنده کی فقرانه تعجب و تأسفله دقت ایلکده درلر . فقرات مذکورہ بی اوغرته اکثریت اوزره بیروتده وقاهره‌ده خرسیتان سوریه لیلر طرفندن عربجه نشر اولنان جراندن آلپور و آنلر اوزرینه ردیلر یازمق شوبله طورسون اقتباسلرنده بر طرز مروج اتحاد ایلپور . سبحاناه . وحدت عثمانیہ علینده دو . ندرلمکده اولان دولابلره صورت حقدن کورینه‌رک و ساطت ایلینلر نه قدرده چوقمش . دولت عثمانیہ نک بالقان محارباتی سبیلہ دوچار اولدینغی فلاکتلردن استفاده ایتک ایسته‌یلر یالکزر آوروپاده موجود دکدر . شرقده دخی آمال خسیسه‌سی اویانانلر چوغالیدی . مصر بو کونلرده قوم عرب حقندہ تصوراتده بولنانلرک تشبثانه جولانکاه اولمقده در . بعض کیمسه‌لر مقام خلافتک بشقه یرلره نقلی سوزلریله اشغال ذهن ایلکده و بعض کیمسه‌لرده عربستانده استقلالیتلر تشککندن و سوریه‌ده عدم مرکزیت ودها طوغریسی مختاریت تطبیقندن بحث ایتکده درلر . حقیقی لایق‌له اوکره نه بیلمش اولسه‌لر حقیقی عرب‌لر و حتی سوریه‌نک خالص مسلمانلری بیله عربلق نامنه علناً اصلاحات طلب ایدن و بو وسیله ایله تهییج افکارده بولنان بر طاقم ساخته کار پولتیقه جیلرک تشبثلرینی حکمدن اسقاط ایدہ بیلور . چونکه صورت حقدن کورینن بو یانغره جیلرک آثار سوء ضعیف‌لرندن ینہ اسلاملر متضرر اوله جقدر . لکن آه جهالت و صافلق . جهالت عاتنده بر منفعتپرست مفسدک باشنه برملیون صاف یورکلی مسلمانانی اوسته لقلی صورتده بلالره ، فلاکتلره اوغراده بیلور .

مصرک عربجه غزته‌لرینک قسم کلیدی سوریه لیلرک تحت مراقبه و تحریرلرنده در . علی الخصوص الکچوق سوریلنلری بیروتلی و جبل لبنانلی خرسیتانلرک التده در . بو خرسیتان سوریه لیلرک بر قسمی فرانسر